

Шочмо эл, порылык да чын верч!

Будь готов!

22-шо (3618) №,
2023 ий 2 июнь,
кугарня.

Ямде лий



0+

1933 ий 1 февраль годсек лектеш.

Эн вучымо уна – кенез




Настя ден Андрей СОЛОВЬЁВМЫТ
(У Торьял, Токтарсола).



Никита ЕЛОВ (Йошкар-Ола).

1 июньшто Йочам аралыме тўнямбал кечым пайремлышна. Кенезын икымше кечынже, пайремлан куанен, кажне икшыве, очыни, тыге кычкыралын: «Салам, эн вучымо кенез! Ура-а-а, каникул тўналын!» Кум тылзе жапыште каналташат, у пашалан тунемашат йон уло. Икте, сылне кайык муро дене помыжалтын, йолташыж дек модаш лекташ вашка. Весе тораште верланыше сылне вершорыш миен кошташ, теңыз серыште ачава дене пырля каналташ кумылан. Кумшылан, йоратыме книгажым я газет ден журналжым кидыш налын, олык лапыште шольошўжар-влак дене лудаш келша. Южышт лагерыште канаш я санаторийыште тазалыкым пенгыдемдаш вашкат. Икманащ, кажныже чонжылан келшыше сомылым муэш. «Ямде лий» газетым лудшо ўдыр-рвезе-шамычат жапыштым пайдалын эртарат.

Х.АЛЕКСАНДРОВА.



Алексей, Ульяна, Константин ТАНЫГИНМЫТ
(Шернур, Кукнур).

ПОДПИСКЕ

5-15 июньшто Росий мучко Подписчикын декадыже эртаралтеш. 2023 ийын кокымшо пелийжылан «Ямде лий» газетлан шулдырак ак дене возалташ лиш.

Индекс – П4696.

Ак – 350 тенгеат 82 ыр.

Фото-влакым еш архивла гыч налме.

Геройын икшывыжлан – пöлек



Марий Эл гыч Украиныште эртаралтше спецоперацийыште герой семын колышо ача-влакын ўдыр-эргыштлан (**снимкыште**) Санкт-Петербург олашке миен кошташ йöным пуэныт. Школышто тунемше-шамычлан коло утла экскурсийым эртареныт. Нуно Юсупов полатыште, Эрмитажыште, Петропавловский орышто, А.Блокын тоштер-пачерыштыже, Петергоф олаште лийыныт, Санкт-Петербургысо кугыжаныш музыкальный комедий театрыште «Алиса и Страна чудес» спектакльым онченит.

Акций «Ямде лий» газет редакций «Геройын ешыжлан – «Ямде лий» поро кумылым ончыктымо акцияым увертара. Тушко кумылан кажне ег ушнен кертеш. Украиныште эртаралтше спецоперацийыште улшо ачан ўдыр-эргыже-влаклан, кочан уныкаже-шамычлан, изан шольо-шўжарже-влаклан «Ямде лий» газетлан 2023 ийын кокымшо пелийжылан

подпискым быштыман. Тидлан во-залтме кеч-могай йöным кучылташ лиеш: редакций, почто, почтальон гоч. Морко район Коркатово лицейыште марий йылмым туныктышо В.Е.Смирнов кок тунемшылан йоча газетлан подпискым пöлеклен. Меат, редакцийын пашаенже-влак, ты акцияшке ушненна.



Пайдале танасымаш

Марий Турек посёлкышто «Лўдыкшыдымö орава» районусо танасымаш эртаралтын. Арбор школ гыч мый, Эрвина Михайлова, Ярослав Иванов, Владислав Петров да туныктышына Л.Н.Семенова (**снимкыште**) миенна. Икымше польшым пуэн моштым, корнышто коштмо правил-шамычым палы-



мым тергенна. Велосипед дене куда лыштынна. Тиде этапыште мый икымше ли-йынам. Мыланем чапкагаз ден пöлекым пуэныт. Командыланат пöлекым кучыктеныт. Мыланем тыгай танасымаш пеш келшен. **Ульяна ФЁДОРОВА.** Марий Турек район.

Марий Эл Республикыште илыше, пагалыме еҥ-влак!



Тендам Йоча-влакым аралыме тўнямбал кече дене саламлем!

Йоча пагыт – кажне еҥын илышыштыже ойыртемалтше, пиалан, тўрлö онай событийлан поян жап.

Лач тыгодым айдеме личность семын виянеш, койыш-шоктыш шуаралтеш, ончыкылык шонымаш-влак рашемдалтыт. Ача-аван, туныктышо ден воспитатель-шамычын полшымыштлан көра йочан шке вийжылан ўшанже пентгедемеш. Тыгай койыш ончыкылык илышыште пеш күлешан.

Школлаште тунемше-влакын каникулышт тўгалын. Тиде эн пиалан жап. Тыгодым канаш, йўштылаш, урок-влак нерген шоныде, йолташ-шамыч дене жапым пайдалын эртараш лиеш. Тек кенеж каныш поро шарнымашым веле кода.

Тиде чапле кечын чылалан: йоча, кугыен-влаклан – пиалым, тазалыкым да сайым гына тыланем. Тек лишыл еҥ-шамыч шўм-чон шокшышт дене тендам ырыктат, тек чыла шонымыда шукталтеш!

Марий Эл Республикым Вуйлатыше Ю.В.ЗАЙЦЕВ.

Марий Элысе увер

Ушештарена: **18 ийым темдыме ўдыр-рвезе-влак 1 июнь гыч 31 август марте ача-ава але законный представитель деч посна общественной верлаште 23 шагат гыч 5 шагат эр марте коштнамш огытыл.**

«Колумб лудмаш-2023» регион-влак кокласе поэзий пайрем Морко район Чавайнурышто 30 июньышто эртаралтеш.

Марий Эл Республикысе «Эр вий» йоча да подростко-влакын ушемышт **финн-угор йоча лагерьым 27 июль гыч 3 август марте эртара. Йодмашым 7 июнь марте пуыман. Тўрыс увер – sdpo_erviy сайтшыште.**

Чүкшö курыкышто - «Юж кайык»

Морко районысо Чүкшö курык Марий Элыште эн кўшö верлан шотлалтеш. Тушто верысе калыкат, турист-влак канаш, жапым пайдалын эртараш йöратат. Кугу курык гыч Морко кундемьсе кажне ял коеш, манаш лишеш. Мардеж уло вийже дене пуал колта гын, чонгештыметак шуэш. Тиде амал дене ты верыште «Юж кайык» республикысе фестивалым икымше гана эртаренна.



Тышке районысо школла да Йошкар-Ола гыч ўдыр-рвезе-влак **(снимкыште)** ушненыт. Нуно могай гына юж кайыкым ыштен ямдылен огытыл?! Икте Микки Маус сўретаным, весе миньонаным, кумшо лываным. Южышт марий тўр дене сöрастареныт. Сöрастарыме гына шагал, тудым чын ыштен моштыман. Тидын нерген 2-шо номеран Морко школ пелен «Техническое творчество» кружокым вуйлатыше Э.А.Делянов умылтарыш:

– Юж кайыкым пеш чаткан ыштыман. Нелытшым, куэмжым, кок мogyрым тöр улмыжым шотыш налман. «Почшымат» кўлеш семын кельштарыман. Тасмам пижыкташ лишеш, тушто изишак нелыт лийшаш. Юж кайыклан нöлталалташыже

мардеж кўлеш. А ышташ неле огыл, кумыл гына лийже.

Ўдыр-рвезе-влак юж кайыкым черет дене колтеныт. Йолташыштын «кишкыштын» кўш чонгештымыштан куанен кычкыреныт. Нöлталалтын кертын огыл гын, пырля тургыжланеныт, полшаш тыршеныт. Иктешлымеке, 2-шо номеран Морко школышто тунемше Василий Разманов сенгышыш лектын. Нуж-Ключ школ гыч Даниил Филиппов кокымшо лийын, Морко район Арын школ гыч Нина Яковлева – кумшо. Йошкар-Оласе 24-ше номеран школышто тунемше

Артём Иванов юж кайыкым марий тўр дене эн сылнын сöрастарымыж дене ойыртемалтын. Сенгыше-влаклан дипломым да чапле пöлекым кучыктым.

Тиде кечынак Чүкшö курыкышто «Покорение Чукшинской горы» спорт фестиваль эртаралтын. Тудо Украиныште эртаралтше спецоперацийын участникше-влак Виктор Яковлев ден Руслан Семёновым шарныме лўмеш лийын. Тушто «Ямде лий» газетын чолга юнкоржо-влакымат ужаш куанле ыле.

Х.АЛЕКСАНДРОВА.
Н.ТОКТАРОВАН фотожо.

Морко район администрацийлан, Морко посёлкысо Йоча усталык рўдерын пашаеныштан, «Морко мланде» газет редакцийлан да Йошкар-Оласе Морко землячествын енже Ю.З.Петровлан фестивалым эртараш полшымыштан таум ойлена.

СОЛОВЬЁВМЫТ СЕНЕНЫТ



Марий Элыште «Успешная семья Приволжья» окружной конкурсын республикысе йыжынжым иктешленыт. Тушто шуко шочшан да ашнаш налше еш-влак мастарлыкыштымончыктеныт. Тений Александровмыт (Юрино р-н), Скулкинмыт (Марий Турек р-н), Кропиновмыт (Килемар р-н), Соловьёвмыт (Йошкар-Ола) еш-влак тагасеныт. Нуно шкешт, шочмо верышт дене палдареныт, усталык номерым ончыктеныт, тўрлö йодышлан вашмутым кычалыныт. Иктешлымеке, Соловьёвмыт еш **(снимкыште)** сенгышыш лектын. Нуно 7-8 июльышто Чебоксар олаште «Успешная семья Приволжья» конкурсышто Марий Элын чапшым аралаш тўналыт.

Х.ТОКПУЛАНОВА ямдылен.
Фотом интернет гыч налме.

Увер

15-19 июньышто Йошкар-Ола воктенысе «Сосновая роща» тунемме да тренировкым эртарыме базыште самырык краевед-влакын республикысе слётышт эртаралтеш. Кандаш енан командым чумырыман да orgotdelrv12@yandex.ru адрес дене электрон почтыш йодмашым 5 июнь марте колтыман.

Историйым шергалына

1916 ий 4 июньышто Икымше тўнямбал сар годым генерал А.А.Брусиловын вуйлатыме руш войска наступленийым тўжалын.

Шке историйжым палыдыме калык шкенжым пагалымым чарна.
Л.ЯНДАКОВ.



Кажне ялын лүмжө уло

Кажне ялын, уремын — шке лүмжө. Тунемше-влак нунын кушеч шочмыштым пален налаш кумылан улыт. Звенигово район Шолэнгер школышто тунемше Юлия Петрова (снимкыште — туныктышо М.С.Виногорова дене пырля) шочмо вержын эртыме корныжым шымла. Тудлан руш йылмым да литературым туныктышо Марина Святославовна полша.

— Шолэнгер посёлко да ты кундемшыште верланыше ял-влакын лүмышт нерген «Шочмо кундемын топонимикыже» шымлыме пашам возенам. Тунемше-влак дене анкетированийым эртаренам, — ойла Юлия. — Шуко ўдыр-рвезе ял лүм кушеч лекмым да мом ончыктым огеш пале. Шолэнгер «шоло» да «эгер» шомакла гыч шочын. Тудын историйже 1927 ий гыч тўналын. Преданий почеш, Аниссола ялыш эн ончыч Максим лўман пўрзек илаш толын. Сандене ялым южо ен кызытат Макси-Арка манеш. «Анис» Онисим лўм гыч лектын. Грек йылме гыч «пайдале» манын кусаралтеш. «Сола» — ял. Вес ял —



Памаштўр. «Памаш» да «тўр» шомакла гыч ыштал-

тын. Ял лўмым шымлыме годым калыкын историйже палдырна.

Шолэнгер посёлкышто 28 урем уло. Чолга тунемше урем-шамычын лўмышт (годоним) нергенат пален налын. Ятыр уремын лўмжө кумдан палыме ен-влак, профессий дене кылдалтын. Шымлыме пашам возымо годым Юлия раш умылен: кажне ялын историйже поян да онай. Шўдө дене ий эрта гынат, ял лўм-влак аралалт кодыт. Тугеже кугезе тукым дене кылна нигунам огеш лушко. «Ты паша моло ўдыр-рвезе-шамычымат шочмо кундемшытын эртыкыштым шымлаш тарата, манын шонем», — ойла Юлия.

Е.СЕРГЕЕВА.

Упшер шўшпык

Ме шочмо ял йырысе вершўрым ончен кошташ пеш йоратена. Ик кастене ачам, акам дене пырля Югидем ерыш йўксым ончаш каяш тарванышна. Пасу дек лишеммек, кайык йўкым колна. Тыге сылнын мура, смартфонсо диктофоныш возыде ышна чыте. Тиде шўшпык шўшка улмаш. Мўнгө мийымеке, «Кугу Какшан» заповедникын кугурак шанче пашаенже Г.А.Богдановлан колтышна. Геннадий Алексеевич «Соловьиные вечера» акцийыш ушнаш темлыш. Ме тореш ышна лий. Шочмо кундемын кайыквусыжым, кушкыл ден пеледышыже-влакымат моштымына семын шымлена. Мотор фотом ышташ кумылан улына.

Марина СТЕПАНОВА.

Волжский, Упшер.

Параньга районышто верланыше вич ялын лўмжым муза.

К	О	П	А	Й	Б	Й
В	А	К	М	Е	Р	Н
Э	Ж	У	С	Л	Ь	У
Ө	И	Г	У	Ы	У	Р
Э	Л	Ь	Н	В	С	Н
Ў	Н	Р	У	Ь	О	Ў
Т	Е	Ь	Р	Ш	Л	А



Чоткар мландышке

Морко район Кожлаер школышто тунемше-влак дене Волжский районышто верланыше «Чоткар патыр» тўвыра да историй комплексыш мийышна (снимкыште). Мемнам ончыч историйым туныктышо Иван Владимирович порын вашлие. Тудо Чоткар да комплекс нерген шуко онайым каласкалыш. Туныктышын ойлымыжо ўдыр-рвезе-влакын чонешышт келге кышам кодыш манын ўшанена. Пагалыме лудшо-влак, Чоткар патыр тендамат вуча. Верысе яндар памаш вўд вий-куатым ешара.

Н.КРЫЛОВА.

Фотом школ архив гыч налме.

Шүртö гыч сүрет шочеш

Параньга район Кугу Пумарий школышто юзо пöлем уло. Тушто түрлö чия, салфетке, меж, шүртö полшымо дене сүрет-влак «шочыт». Түрлö йöным кучылтын сүретлаш Римма Валентиновна Калугина (снимкыште) туныкта.



Авторын фотожо.

– Эн ончыч «Самырык сүретче» кружокышто пашам тўналынна. Акварель чиям, гуашьым кучылтын, сылне сүретым сүретленна. Варарак салфетке дене сöрастараш тунемынна, – ойла Римма Валентиновна. – Интернетыште шүртö гыч ыштыме сүретым ужмеке, ты технике дене лишкырак палыме лияш кумылакынам. Ончыч шке ыштен онченам, вара йоча-шамычым ту-

ныктенам. Кызыт кружок «Мемнан киднан фантазийже» маналтеш. Тушко тўналтыш класслаште тунемше кажне гаяк икшыве коштеш. Кугурак класслаче ўдыр-рвезе-влак жап да чон йодмо семын толыт.

Йоча-шамыч ончыч келшыше сүретым ойырат, картоныш сүретлат. Вара түрлö тўсан шүртым пўчкедат да, титан клей дене клеитлен, сүретым сöрастарат. «Тид-



лан усталык да жап кўлыт, очыни?» – йодым.

– Усталык огыл, кумыл кўлеш манам гын, чынрак лиеш. Сүретым ышташ неле огыл, чытыш да кумыл улыт гын, кажне еш шочыктен кертеш. Гуашь дене сүретлыме годым йöкылыш ыштит гын, ўитылаш сайжак огыл, а шүртым оптен ончымеке, огеш келше гын, корандаш лиеш, – умылтара туныктышо.

Кружокыш коштшо ўдыр-рвезе-влак шкет, тўшкан пашам ыштат. Пырля ыштыме кугу сүрет-влак поснак шергакан улыт. Тыгайым ыштыме годым кажне йоча мутым куча. Икте-весым ончен, ой-кагашым шотыш налын, пашан лектышыже сайрак да куандарыше лиеш.

Е.ИВАНОВА.

Скрипач

Ныл струнан

скрипкажым налын,
Вуй пелен энертыктен,
Сылне семым луктын талын,
Сценыш музыкант кўзен.
Ныжыл сем чонеш логалын,
Шинча йыр вўд погынен.
То струнам тазан темдалын,
Семже пуйто лўдыктен.
Ыш кўл мут нигöлан таче.
Кажнын чоным тарватен.
Семмастар – тунемше каче,
Калыкым öрыктарен.

Ксения ИВАНОВА.

Морко, Коркатово.

Марийын чатка, поро ойым каласымыже шуэш гын, тоштыен мутшо уло, туштым тушталташ – туштыжо шуко, муралтен колта гын, мурьжо сылне деч сылне, йомакшым колшытынат от пытаре.

В.ВАСИЛЬЕВ.

Икымше вер

Ме марий мурым йонгалтараш моткоч йöратена. Йолташем-влак дене «Изи шўдыр» ансамбльыш коштына (снимкыште). Шукерте огыл «Марий йоча улам» у мурына лектын. Тудын дене түрлö конкурсышто мастарлыкнам тергена. Йошкар-Олаште эртаралтше «Пятым элемент» тўнямбал фестиваль-конкурсыш ушненна да сенышыш лектынна. Ўдыр-шамыч дене моткоч йывыртенна.

Полина ТОЛСТОВА.

Звенигово, 2-шо номеран Красногорский школ.



Фотом архив гыч налме.



Ныл йолан йолташна

– Алла Николаевна, кроликым шотлаш ок йөрө, да нунылан шинча писын возеш манмым колынам. Тиде чын мо?

– Тиде тыгак. Шочын вочшо иге-влаклан шинча пеш писын возеш. Садлан шке еш дене веле эскерена. Кугу лиймекыштат шотлаш огына тырше.

– Мөңгысö мераҥын пүйжө үмыр мучко кушкеш. Садлан тудым шумаш келыше кочкышым пукшыман?

– Кроликын кўшыл пүйжө кажне арнян кок миллиметрлан кушкеш. Мутлан, шудым кочмыж годым тудын онгылашлужо шолаш-пурлаш, пурлаш-шолаш тарванылеш. Вакшқўм ушештара. Тыге тудын пүйжө шумалтеш. Ныл йолан йолташна-влаклан ме тыгак кешырым, ковыштам, кормалык ушменым пукшена.

Идалыкын да вўтан озашт

2023 ийын озажлан кролик шотлалтеш. Пушкыдо пунан мотор янлыкым оласе ўдыр-рвезе-влак зоопаркышке ончаш я ончерлашке вуйжо гыч ниялташ коштыт гын, ялысе йоча-шамыч тидын шотышто пиалан улыт. Ешлаште тудым шукын ашнат. Теве Советский район Эгерсола ял гыч Гусевмыт латик ий утла мөңгысö мераҥ дене йолташ улыт. Нуным кузе пукшаш, эскераш кўлмым раш палат. Тидын да моло нерген озавате А.Н.Гусева дене мутланышна.



Фотом еш архив гыч налме.

Снимкыште: Марина ден Вая Гусевмыт – Вика Кутеркина йолташ ўдырышт дене пырля.

Арымшудым пуэна, тудо бактерий деч аралалташ полша. Телылан арама выньыкым ямдылена. Кроликлан шордорыкым, шылым, пурсам, шере кочкышым, пукшыман да шарныман.

– Кроликым клеткыште веле ашнаш лиеш?

– Ме клеткыште ашнана. Решоткан шартышыш пилашўкым пыштена. Кочкашышт, йўашышт пуэна. Ик тылзаш иге-влакым авашт деч ойырена. Кўчык жаплан вўташкат колтена. Нуно тарванылшаш улыт.

– Тиде янлык вудыматен, пырысла мырлен мошта, маныт. Те тыгайым шекланенда?

– Кролик-влакын пачала магырымыштым чўчкыдын колам. Йўкышт пеш яндар да чарга. Тыгай годым вигак куржын лектам. Изирак рож гыч игышт вес ава дек кая гын, кугу йўкым луктыт. Шке шочшыштым аралынешт. Пукшымышт годым игышт дене пуйто кутырат, манын ойлат. Но мый нигунам колын омыл. Лишемме йўкнам колмеке, пукшымым вигак чарнат.

Х.АЛЕКСАНДРОВА.

Ушан Шарик

Пиемын лўмжө – Шарик. Тудо шем шинчан, кугу пылышан, сур тўсан. Ушан улмыж дене мемнам кечын өрыктара. Шарикемын пөртшө кугу да яндар. Арулыкым эскераш мый полшем. Тамлын пукшаш тыршем. Яра жапыште пырля модаш йоратена (снимкыште). Шарик – ушан сурторол да йолташ.

Азалия СМЕРНОВА.

Морко, Кожлаер.



Фотом еш архив гыч налме.

Писе улыт

Леси прием да Мурзик пырысем дене уремыште модаш йоратена. Леси пеш писын кудалыштеш. Мурсикат вараш ынеж код. Мый нуным поктен ом шу. Лўмышт дене кычкыра-ламат, воктекем кудалын толыт. Мыйым нуно пеш йоратат.

Морко, Эгерсола.

Егор СТЕПАНОВ.


Васёк

Мыйын уло йолташем, Йоратыме Васёкем. Коктын модына пырля, Пеш келшен ме илена.

Тудо шорым йората, Колямат кучаш тырша. Шўрым, шылым авызла, Пеш коя, мотор, таза.

Аня ФЛЕГЕНТОВА.

Звенигово, Керебеляк.



Снимкыште: Анян Васёк пырысше.

Фотом еш архив гыч налме.

Вучымо пагыт

Мыйын шонымаште, кажне йоча кенеж канышым вуча. Кенеж – тиде эн кужу каникул. Ынде шукурак малаш, модаш лиеш. Школышто пуймо мӱнгӱ пашам ышташ кӱлмӱ нерген тургыжланаш амал уке. Капкылым шуараш, тазалыкым пентгыдемдаш келшыше жап шуын. Чодырашке емыжым погаш кошташ лиеш. Садланак кенеж канышым чот вученам.

Ксения БУТЕНИНА.

Морко, Энерсола.



Фотом йочасадын архивше гыч нӱлме.

Йочасадыште «Пеледышым – кажне сургыш» акций эртаралтын. Йоча-влак (снимкыште) шошо мучко тыршен ончен куштымо пеледышыштым шке пак-чашкышт шындаш нангаеныт. Шыжым мотор аршаш дене угыч мемнан деке толыт.

И.СЕМЁНОВА.

Медведево, Новый посёлко.

«Я» гыч «А» марте

Кенеж

Яндар юж эшеат ыра. Шокшештеш. Чечен ўжара угыч тўням сълнештара. Рўжге пеледышым озала ондалын, ныжыл мардеж легылда. Кенеж! Йоратыме игече, жап. Емыж дене «геройланыме» верже?! Ах!

«Русская словесность» кружокын енге-влак. Волжский, Сотнур.

Палаш онгай

Калык пале

- ➔ Кўдырчӱ йошкар пыл дене мўгыралта гын, шолеман йўрым кондышашлан.
- ➔ Пыл кок могырыш ойырлен кая гын, кўдырчан йўрым кычалеш.
- ➔ Йўр йўрмӱ годым шўвыронг ийын коштеш – йўр кужун шуйна.

3 июнь – Велосипедын тўнямбал кечыже.

Велосипедым 1817 ийыште Германыйыште шонен луктыныт. Рамыжым пу гыч ыштеныт. Педальже лийын огыл. Тудын дене кызытсе беговел семын пайдаланеныт: йол дене шўкеныт да рульжо дене викареныт. 1830 ийыште Шотландий гыч механик педалян велосипедым шонен луктыныт. Кызытсе гай велосипедым 1884 ийыште Английыште ышташ тўнгалыныт.

Точко-влакым ушен сўретлен пытарыза да чиялтыза.



06/06
18:00

Василий Домрачевын лўмгече касше
РВЕЗЫЛЫК ЭРТЫШ - ЫШ ЧЕВЕРЛАСЕ

shketan.ru/afisha

«Ямде лий» газет
Тўн редактор
Л.Н.ГРИГОРЬЕВА.
Индекс: П4696.
Тираж 1550 экз. Заказ
Формат – А-4-8.

https://vk.com/yamde_lii
<https://t.me/yamdellii>
E-mail: yamde_lii@mari-el.ru
(документ кагазлан),
yamde_lii@mail.ru
(автор-влаклан)
Сайтын адресше: yamdeliiy.rf

УЧРЕДИТЕЛЬ:
Марий Эл Республикысе
Культур, печать да
калык-влакын пашашт
шотышто министерстве.

Газетым редакцийыште
погымо да версталыме,
«Марий Эл Республикысе
Правительствын типографийже» ООО-што ямде
оригинал-макет гыч савыктыме. Типографийын
адресше: 424000, Йошкар-Ола, Комсомольский урем, 112.

Газетым Кыл, информационный тех-
нологий да массовый коммуникаций
сферым эскериме шотышто федераль-
ный службын Юл кундем федеральный
округысо управленийыштыже регис-
трироватлыме.
Номер – ПИ № ТУ52-01335,
2021 ий 29 сентябрьыште пуймо.

0+

Печатьш пуймо жап –
14-00,
фактически – 13-00

Авторын да редакцийын шонымаш-
ышт тўрлӱ лийын кертыт. Серыш-
влак мӱнгеш огыт колталт.
Ак – кутырен келшыме почеш.

Редакцийын да издательнын адресше:
424006, Йошкар-Ола, СССР Вооружённый
Вийын 70-ше идалькыше урем, 20-шо пӱрт.
Тел. 8(8362) 45-22-82(факс).

У КОНКУРС *Ешартыш лайкым кузе погаш?*



*Шочмо
верыштем*

Кажне ег шочмо ялже дене кугешна. Икте йоргыктен йогышо яндар вудан пашыжым мокта, весе – пүяжым, ял гоч эртен йогышо энержым, кумшо – отыжым, коремжым. Кажне гаяк верын шке легендыже уло. Йоча-влак, краеведений материалым ятыр погенда, очыни. Уке гын, шымлыза, кутурак ийготаншамыч деч йодыштса. Кумдан палыме, уста ег-шамычат ялым чапландараш, тўзаташ полшат. Ойыртемалтше верыште я мастар ег пелен войзалтса да фотом «ВКонтакте» соцкылысе «Ямде лий» – марла йоча газет» тўшкашке соообщений дене колтыза. Эн шуко лайкым погышо постын озаже сенгышыш лектеш. Тўткө лийза. Йўкльшө группын подписчикше лийшаш.

400 лайк:

2023 ийын кокымшо пелийжылан «Ямде лий» газетлан почто копийжым редакцийышке колташ.

200 лайк:

электрон подпискым ышташ. 89027382237 номеран телефон дене Сбербанкыш оксам колташ але тиде номерышке 150 тенгем пышташ. Электрон почтыдан адресшым возен колташ ида мондо. Редакций гоч подпискым ыштышат тынар лайкым налеш.

100 лайк:

фото да пелен ойыртемалтше вер але мастар ег нерген заметкым возаш. Легендымат лиеш. Пашада-влакым газет лаштыклаш савыктена.


Ушештарена:

мынар шукрыак подпискым ыштеда, тунар шукрыак лайкым погаш йон лиеш. Тугеже газетлан возалташ родо-тукымдама т ушен кертыда.


**Кужэгер район
Кырмыж ял воктенысе
кумалме куэ воктене.
Вова МУХИН (Кужэгер,
Кугу Лаждўр).**

**Сенгышым чапле пөлек
вуча.**

**Фотом 31 август
марте колтыман.**



Ик шырпым верже дене вашталтен, чын вашмутым ыштыза.



**Йодыш олмеш
могай тўсан онго
лийшаш?**

Кажне йолчимлан мужырым кычалза.



**Кешыр
Нарынчалге, тамле.
Ўдена, мушкына, кочкына.
Шуко витаминан кочкыш.
Пакчасаска.
Настя ЧЕМЕКОВА.
Советский, Орша.**

Синквейн



Кешыр-влак коклаште корнысо конусым кычалза.

7							
x		x	=	4	0		
						+	+
=			-		=	2	+
	x			x	=		=
	x		=	1	5		7
	=		=				
					÷		=
							9

Числа-влакым чын шындылза.

Кок фермер шорыкыштын чотышт шотышто ўчаша. Иктыже ойла: «Мыланем ик шорыкетым пуэт гын, мыйын кок пачаш шукрыак лиеш». Кокымшо вашешта: «Лучо тый мыланем ик шорыкетым пу. Вара мемнан тўр лиеш». Кажне фермерын мынар шорыкшо уло?



Интернетысе сўрет-влакым кучылтмо.